

N'waximbahana wo tshwuka



Siku rin'wana,
N'waximbahhana wo tshwuka
u kumile ndzoho ya koroni.

"I mani loyi a nga ta ndzi
pfunu ku byala koroni leyi?"
a kenkela.


"Hayi mina," ku kwakwasela
N'wasekwa.

"Hayi mina," ku kukutela
N'wagalakuni.



"Hayi mina," ku n'hon'hotela
N'wanguluve.


Kutani u tibyalerile yona
hi yexe.



Kutani koroni yi kula yi
va ximilana xo leha.

"I mani loyi a nga ta
ndzi pfunu ku hwева
koroni leyi?" ku kenkela
N'waximbahhana wo
tshwuka.








"Hayi mina," ku kwakwasela
N'waxisekwana.

"Hayi mina," ku kukutela
N'waxigalakunana.

"Hayi mina," ku ncwincwitela
N'waxingulubyana.

Kutani a tihwevela yona
hi yexe.





Loko koroni yi hwewiwile,
N'waximbahana wo
tshwuka a kenkela a ku,
“I mani loyi a nga ta ndzi
pfuna ku boha koroni?”




"Hayi mina," ku mhomhotela
N'wahomu.

"Hayi mina," ku vukula
N'wambyana.


"Hayi mina," ku n'awutela
N'waximanga.

Kutani u tiboherile yona
hi yexe.





Kutani N'waximbahana
wo tshwuka a kenkela
a ku, "I mani loyi a
nga ta ndzi pfunu
ku sila koroni?"





"Hayi mina," ku bebetela
N'warhole.

"Hayi mina," ku pyepyetela
N'waximbyanyana.

"Hayi mina," ku ngoromela
N'waximanganyana.

Kutani u tisilerile yona
hi yexe.



Loko koroni yi
siriwile yi va fulawuri,
N'waximbahahana wo
tshwuka a kenkela
a ku,

"I mani loyi a nga ta
ndzi pfunu ku baka
xinkwa?"





“Hayi mina,” ku phurutela
N’wahanci.

“Hayi mina,” ku memetela
N’wanyimpfu.

“Hayi mina,” ku oyitela
N’wadonki.

Kutani u tibakerile xinkwa
hi yexe.




Loko xinkwa xi vupfile,
N'waximbahana wo
tshwuka a vutisa a ku,
"I mani loyi a nga ta ndzi
pfunu ku dya xinkwa?"

"Hi ta ku pfunu," ku huwelela
swiharhi hinkwaswo.

"E-e, ku nga ri n'wina,"
ku kenkela N'waximbahana
wo tshwuka.


"Ndzi ta tidyela xona
hi ndzexe."





Kutani a vitana swikukwana
swa yena a ku, "Tanani mi ta
dya xinkwa lexi."

Kutani va dyile xinkwa ku
kondza va xurha.



U ta tshovela leswi
u swi byaleke!


Migungiriko ya ku hlaya hi mitlawa



1

Byela munghana wa wena:

- leswi u swi vonaka eka xifaniso xin'wana na xin'wana.
- leswaku i xifaniso xihi lexi faneleke ku va xo sungula, xa vumbirhi, xa vunharhu na xo hetelela.
- Tlhela u hlamusela munghana wa wena xitori. Tiyisisa leswaku xitori xa wena xi na masungulo, xikarhi na mahetelelo.



2

Tirha na munghana wa wena. Hlayani swivutiso mi tlhela mi swi hlamula.

- I yini vito ra xitori lexi?
- I mani ximunhuhatwankulu exitorini lexi?
- Xana a xi lava ku endla yini?
- I mani loyi a nga xi pfunu ku swi endla?
- Xana i vamani lava nga dya leswi xi nga swi endla?
- Va vitaniwa yini vana va sekwa, galakuni, homu, nguluve, mbyana, ximanga na mbhaha?



3

Ebukwini ya wena ya switoloveto, tsala marito ya kholomu yo sungula. Sweswi tsala marito lama yelanaka na rito rin'wana na rin'wana hi mpfumawulo.


mbhaha	jaha	raha	hima	saha
sila	rila	mila	siva	vila
mbyana	nkwama	n'wana	mufana	vana
ximanga	kondlo	etlela	timanga	makwanga



4

Languta marito ya mune eka kholomu ya le xikarhi. Sweswi byela munghana wa wena leswaku:

- i xifaniso xihi lexi yelanaka na rito.
- i xivulwa xihi lexi yelanaka na rito.



ximanga

mbhaha

mbyana

nguluve

"Hayi mina," ku vula N'wanguluve.

"Hayi mina," ku vula N'waximanga.

"Hayi mina," ku vula N'waxisekwana.

"Hayi mina," ku vula N'wambyana.



5

Kopunula xivulwa xin'we xo huma eka xitori u xi tsala ebukwini ya wena ya switoloveto.

- Dirowa xifaniso xa xivulwa.
- Tsala nhlokomhaka ya xifaniso.